

Forskrift om inntak til vidaregåande opplæring og formidling til lærepass i Vestland fylkeskommune

Vedtatt av fylkestinget 29. september 2020
Sist endra av fylkestinget 13. juni 2023, med verknad frå 1. januar 2024.

Kapittel 1. Innleiande føresegn

§ 1. Formål og verkeområde

Denne forskrifta gjeld inntak til alle offentlege vidaregåande skular og formidling av lærlingar, praksisbrevkandidatar og lærekandidatar i Vestland fylkeskommune. Forskrifta gir utfyllande reglar og kjem i tillegg til forskrift til opplæringslova kapittel 6 og 6A.

Kapittel 2. Inntak

§ 2. Inntak etter inntaksområde

(1) I Vestland fylkeskommune er inntaket geografisk styrt etter inntaksområde. Dette inneber at ein søker får inntaksområdepeng til sitt inntaksområde, ut ifrå folkeregistrert adresse.

(2) Inntaksområdepeng blir som hovudregel fordelt etter folkeregistrert adresse. Fylkeskommunen gir utfyllande reglar om kva skular og kommunar som inngår i kva inntaksområde.

(3) Fylkeskommunen kan gi utfyllande reglar om kva tilbod som ikkje inngår i inntaksområda.

(4) For søkerar til programområde som fylkeskommunen ikkje tilbyr kan fylkeskommunen kjøpe skuleplassar i andre fylke. Dette gjeld berre søkerar med ungdomsrett. Søkaren må ha det aktuelle programområdet som sitt førsteønske.

(5) Søkarar busette i enkelte grenseområde med andre fylke, blir behandla i høve til eigne avtalar mellom fylkeskommunane.

§ 3. Inntak til Vg1

1) Søkarar må prioritere tre utdanningsprogram ved innsøking til Vg1. Innanfor kvart utdanningsprogram kan det prioriterast inntil seks skular.

- (2) Inntaket blir gjennomført med grunnlag i karakterane frå grunnskulen (karakterpoeng), og eventuelle inntaksområdepoeng.
- (3) Dersom ein søker eit utdanningsprogram/programområde som det ikkje er tilbod om i sitt inntaksområde, får søkeren inntaksområdepoeng til alle skulane i fylket.
- (4) Dersom det er ledige plassar etter at søkerar med inntaksområdepoeng har fått plass, konkurrerer søkerar utan inntaksområdepoeng etter karakterpoeng.
- (5) Dersom søkeren ikkje har nok karakterpoeng til å kome inn på nokon av ønska sine, vil søkeren få tilbod om plass ved andre skular som tilbyr dei ønska utdanningsprogramma.
- (6) Søkerar som ikkje fører opp tre ulike utdanningsprogram, kan bli plassert på andre utdanningsprogram.
- (7) Fylkeskommunen kan ta inn deltidselevar med ungdomsrett etter at fulltidselevar med ungdomsrett er tatt inn til vidaregående opplæring.

§ 4. Inntak til Vg2 og Vg3

- 1) Søkerar kan prioritere programområde på Vg2 og Vg3 som søkeren er kvalifisert til. Innanfor kvart programområde kan det prioriterast inntil seks skular.
- (2) Inntaket blir gjort på bakgrunn av karakterpoeng for kompetansegivande kurs. Ved innsøking til Vg2 blir karakterar frå Vg1 lagt til grunn, og ved innsøking til Vg3 blir karakterar frå Vg2 lagt til grunn.
- (3) Søkerar som ikkje har tilstrekkelege karakterpoeng til å kome inn på prioriterte programområde og skular, vil bli vurdert til andre programområde som søkeren er kvalifisert til, men som ikkje er prioritert i søknaden.

§ 5. Oppflytting Vg2 og Vg3 studieførebuande utdanningsprogram

- (1) Søkerar til Vg2 studieførebuande utdanningsprogram har rett til å halde fram på same skule der Vg1 er fullført, dersom søkeren har bestått i alle faga som er fastsette i læreplanverket på Vg1 og har søkt som fulltidselev. Føresetnaden er at det blir søkt om inntak påfølgande år.
- (2) Søkerar til Vg3 studieførebuande utdanningsprogram har rett til å halde fram på same skule der Vg2 er fullført, dersom søkeren har bestått i alle faga som er fastsette i læreplanverket på Vg2 og har søkt som fulltidselev. Føresetnaden er at det blir søkt om inntak påfølgande år.

§ 6. Oppflytting til Vg2 og Vg3 - treårig helse- og oppvekstfag med studiekompetanse

- (1) Søkerar til Vg2 treårig helse- og oppvekstfag med studiekompetanse har rett til å halde fram på same skule der Vg1 er fullført, dersom søkeren har bestått i alle faga som er fastsette i læreplanverket på Vg1 og har søkt som fulltidselev. Føresetnaden er at det blir søkt om inntak påfølgande år.

(2) Søkarar til Vg3 treårig helse- og oppvekstfag med studiekompetanse har rett til å halde fram på same skule der Vg2 er fullført, dersom søkeren har bestått i alle faga som er fastsette i læreplanverket på Vg2 og har søkt som fulltidselev. Føresetnaden er at det blir søkt om inntak påfølgande år.

§ 7. Oppflytting til Vg2 og Vg3 - treårig elektrofag med spesiell studiekompetanse

(1) Søkarar til Vg2 treårig elektrofag med spesiell studiekompetanse har rett til å halde fram på same skule der Vg1 er fullført, dersom søkeren har bestått i alle faga som er fastsette i læreplanverket på Vg1 og har søkt som fulltidselev. Føresetnaden er at det blir søkt om inntak påfølgande år.

(2) Søkarar til Vg3 treårig elektrofag med spesiell studiekompetanse har rett til å halde fram på same skule der Vg2 er fullført, dersom søkeren har bestått i alle faga som er fastsette i læreplanverket på Vg2 og har søkt som fulltidselev. Føresetnaden er at det blir søkt om inntak påfølgande år.

§ 8. Inntak til Vg1 musikk, dans og drama

(1) Inntil 50 % av plassane i utdanningsprogrammet kan tildelast på grunnlag av ei ferdigheitsprøve (inntaksprøve), i tillegg til karakterpoeng.

(2) Skala for tilleggsSpoeng blir fastsett av fylkeskommunen. Søkaren får 3 tilleggsSpoeng om søkeren viser dugleik utover gjennomsnittet. Søkaren får 6 tilleggsSpoeng om søkeren viser dugleik som vidarekommen og har eit stort potensiale. Søkaren får 9 tilleggsSpoeng om søkeren viser framifrå dugleik og har eit uvanleg stort potensiale.

(3) Det er berre søkerarar som har Vg1 musikk, dans og drama som sitt førsteønske som kan framstille seg til ferdigheitsprøve. Ferdigheitsprøver blir berre arrangert når det er mange søkerarar.

§ 9. Inntak til Vg1 idrettsfag

(1) Inntil 50 % av plassane i utdanningsprogrammet kan tildelast på grunnlag av dokumenterte ferdigheter (idrettslege kriterium), i tillegg til karakterpoeng.

(2) Skala for tilleggsSpoeng, på bakgrunn av dokumentasjon frå særkrins/klubb, blir fastsett av fylkeskommunen. Søkarar på regionalt nivå får 3 tilleggsSpoeng, søkerarar på landslagsnivå får 6 tilleggsSpoeng, og søkerarar på internasjonalt nivå får 9 tilleggsSpoeng.

(3) Søkarar som ønsker tilleggsSpoeng må sende inn dokumentasjon frå særkrins/klubb som stadfestar dei idrettslege prestasjonane. Dokumentasjonen skal sendast skulen søkeren har som førsteønske.

§ 10. Inntak til landslinjer og landsdekkande tilbod

Søkarar til landslinjer og landsdekkande tilbod skal registrere søkeren i heimfylket. Søkarar frå heile landet konkurrerer likt ved inntak til landslinjer og landsdekkande tilbod. Inntaket skjer på grunnlag av karakterpoeng.

§ 11. Inntak til statlege vidaregåande skular

Søkarar frå Vestland kan søke statlege vidaregåande skular på linje med søkerarar frå andre fylke. Inntaket blir gjennomført på bakgrunn av karakterpoeng.

§ 12. Inntak til yrkesfaglege utdanningsløp som leier fram til yrkes- og studiekompetanse

Inntaket blir gjort på bakgrunn av intervju i bedrift og karakterpoeng. Søkarar må ha avtale med skulen om lærepass i bedrift og ha tilbodet som sitt førsteønske. Fylkeskommunen kan gi utfyllande reglar.

§ 13. Permisjon frå vidaregåande opplæring

(1) Elevar som har tatt imot skuleplass, men må seie ifrå seg plassen i løpet av skuleåret pga. t.d. langvarig sjukdom, svangerskap, militærteneste eller andre sosiale grunnar, kan søke om permisjon frå vidaregåande opplæring. Ved innvilga permisjon vil elevar med ungdomsrett ikkje bruke av retten til vidaregåande opplæring, jf. forskrift til opplæringslova § 6-3 andre avsnitt. Eleven vil kunne få reservert skuleplassen til året etter ved same skule og tilbod. Eleven må på vanleg måte søke om inntak for etterfølgande skuleår. Det blir tatt atterhald om endringar i tilbodsstrukturen.

(2) Denne føresegna gjeld for offentlege skular og gjeld ikkje for gjesteelevar.

§ 14. Inntak av norske utvekslingselevar

(1) Norske søkerar med ungdomsrett som er utvekslingselevar ved ein skule i utlandet, skal takast inn på individuelt grunnlag.

(2) Fylkeskommunen kan gi utfyllande reglar.

§ 15. Inntak av deltidselevar til Vg2/Vg3

(1) Elevar som ikkje oppfyller vilkåra i forskrift til opplæringslova §§ 6-28 eller 6-37, kan i særlege tilfelle likevel takast inn som deltidselevar.

(2) Fylkeskommunen tar inn deltidselevar.

(3) Inntak av deltidselevar skjer etter at fulltidselever er tatt inn.

(4) Deltidselevar med ungdomsrett vil bli tatt inn før deltidselevar utan ungdomsrett. Ved ledige plassar kan også søkerar utan ungdomsrett få inntak.

§ 16. Omval og å ta fag på nytt

(1) Elevar som har tatt omval etter opplæringslova § 3-1 fjerde avsnitt og har halvårvurdering i fellesfag, kan avtale med skulen at dei ikkje vil ta faget på Vg1 på nytt. For å kvalifisere til vitnemål, må dei ta faget på Vg2.

(2) Elevar som har tatt omval etter opplæringslova § 3-1 fjerde avsnitt og har standpunktakarakterar i fellesfag, kan søke om å få faget godkjent etter forskrift til opplæringslova § 1-16 dersom dei vil behalde standpunktakarakteren og ikkje ta faget på nytt.

(3) Elevar som har tatt omval etter opplæringslova § 3-1 fjerde avsnitt og har standpunktakarakter i fellesfag, kan velje å ta faget på nytt, jf. forskrift til opplæringslova § 3-14 femte avsnitt. Tar eleven faget på nytt skal den siste karakteren som er 2 eller betre førast på vitnemålet eller kompetansebeviset, jf. forskrift til opplæringslova § 3-44 femte avsnitt. Dersom eleven ombestemmer seg i løpet av skuleåret, må eleven slutte i faget før 1. november for å behalde standpunktakarakteren.

§ 17. *Søknadsfrist*

(1) Søknadsfristen er 1. februar for søkerar som fell under forskrift til opplæringslova § 6-8 første avsnitt, og 1. mars for elevar som søker seg inn i det ordinære inntaket, jf. forskrift til opplæringslova § 6-8 andre avsnitt.

(2) Søknader frå søkerar med ungdomsrett som kjem inn etter søknadsfristen, vil berre bli behandla i den utstrekning det er mogleg, jf. forskrift til opplæringslova § 6-8 fjerde avsnitt. Det er fylkeskommunen som avgjer dette. I den utstrekning det ikkje er mogleg å behandle søknaden, vil søknaden bli avvist og melding sendt søkeren.

(3) Inntak i samarbeid med oppfølgingstenesta kan skje uavhengig av fristane ovanfor.

§ 18. *Flytting*

(1) For å bli vurdert for rett til inntak til vidaregåande opplæring i Vestland fylkeskommune må søkerar i utgangspunktet vere folkeregistrert i fylket innan 1. mars.

(2) Søkerar som ikkje er folkeregistrert per 1. mars, og som planlegg å flytte til Vestland fylkeskommune, kan bli vurdert for inntak om dei dokumenterer at den planlagde flyttinga er reell. Dokumentasjon om planlagd flytting må vere motteke av fylkeskommunen innan 23. juni, og søkeren folkeregistrert ved skulestart. Fylkeskommunen kan gi utfyllande reglar om krav til dokumentasjon.

(3) Søkerar som omfattast av overeinskomst om nordisk utdanningsfellesskap, treng ikkje vere folkeregistrert i Vestland fylke innan 1. mars. Desse må likevel vere folkeregistrert ved skulestart.

§ 19. *Bruk av retten til vidaregåande opplæring*

(1) Søkerar med lovfesta rett til vidaregåande opplæring (ungdomsrett) brukar ikkje av retten dersom opplæringa utgjer 1/3 eller mindre av timetalet frå eit utdanningsprogram eller programområde, jf. forskrift til opplæringslova § 6-3.

(2) Elevar (fulltidselevar) brukar uansett ikkje av retten dersom eleven sluttar før 1. november. Elevar (fulltidselevar) som sluttar etter 1. november har heller ikkje brukt av retten dersom omfanget av fråværet gjer at opplæringa har utgjort 1/3 eller mindre av timetalet, jf. § 19 nr. 1.

(3) Elevar som går over frå grunnkompetanse til full kompetanse kan etter søknad få utvida retten til vidaregåande opplæring med inntil to år.

§ 20. *Frammøte første skuledag*

- (1) Elevar må møte på skulen første skuledag.
- (2) Dersom ein elev blir borte frå skulen første skuledag utan gyldig grunn, mister eleven skuleplassen.
- (3) Ved sjukdom eller andre tvingande grunnar pliktar eleven å gi beskjed til skulen snarast mogleg og seinast innan oppmøtetidspunkt første skuledag om at vedkommande ikkje kan møte. Fråværet må dokumenterast.

§ 21. Rektor sin rett til inntak av elevar

- (1) Rektor har ikkje rett til å ta inn elevar før det sentrale inntaksarbeidet er avslutta, eller at dette på annan måte er delegert.
- (2) Etter at det sentrale inntaksarbeidet er avslutta blir ansvaret for vidare inntak delegert til rektor. Rektor skal følge ventelistene som er utarbeidd sentralt fram til utgangen av august. Frå 1. september blir inntaket rekna som avslutta.
- (3) Når alle søkerar med ungdomsrett på venteliste har fått tilbod om skuleplass, kan rektor gi tilbod til søkerar etter følgande prioritering:
1. Søkerar med ungdomsrett som ikkje står på venteliste
 2. Søkerar med voksenrett som står på venteliste
 3. Søkerar med voksenrett som ikkje står på venteliste
 4. Søkerar med fullføringsrett som står på venteliste
 5. Søkerar med fullføringsrett som ikkje står på venteliste
 6. Søkerar utan rett som er busett i Vestland fylke kan takast inn etter alle søkerar med rett til utdanning har fått tilbod, og det framleis er ledige plassar.

§ 22. *Inntak av søkerar busette i andre fylke – gjesteelevar*

Inntaket av søkerar med ungdomsrett busette i andre fylke (gjesteelevar) følger forskrift til opplæringslova § 6-4. Fylkeskommunen skal gi tilbod ved ledig kapasitet, jf. opplæringslova § 13-3 andre avsnitt, etter at søkerar busette i Vestland fylkeskommune er prioritert.

§ 23. *Vilkår for inntak til Vg1 studiespesialiserande med førebuande IB (pre-IB)*

- (1) Vilkår for inntak til pre-IB er at søkeren har fullført norsk grunnskule eller tilsvarande. Sjå forskrift til opplæringslova § 6-13 for kva som kan reknast som tilsvarande og korleis det kan dokumenterast.

(2) Søkaren bør minst ha karakteren 4 i matematikk og engelsk, i tillegg til gjennomsnittskarakter på minst 4,5. Søkaren bør også ha tilstrekkelig norskkompetanse til å kunne følge undervisninga.

§ 24. Rekkefølge ved inntak til Vg1 studiespesialiserande med førebuande IB (pre-IB)

Dersom det melder seg fleire søkerar enn det er plassar, fordelast plassane etter poengsum utrekna på grunnlag av forskrift til opplæringslova § 6-21. Karakterar frå andre utdanningssystem med annan karakterskala blir rekna om etter ei lineær omrekning, der karakterane frå andre utdanningssystem blir vekta mot norsk karakterskala.

Kapittel 3. Inntak til IB

§ 25. Inntak til IB Diploma Programme (IB) – 2IB

(1) Vilkår for inntak til 2IB er at søkeren har bestått Vg1 studiespesialiserande med førebuande IB (pre-IB), Vg1 studiespesialiserande, MYP 5/Grade 10 frå IB eller tilsvarende. Søkaren må ha minimum 10 års skulegang og ikke allereie ha fullført vidaregående opplæring.

(2) For å kvalifisere til inntak bør søkeren ha minst karakteren 4 i matematikk og 5 i engelsk. Søkaren må i tillegg ha gjennomsnittskarakter på minst 4.

(3) Søkaren kan bli bedd om å ta ein opptaksprøve eller stille til intervju om det er uklart at søkeren er kvalifisert.

(4) Dersom det er fleire kvalifiserte søkerar enn plassar, konkurrerer søkerane etter karakterpoeng. Karakterar frå andre utdanningssystem med annan karakterskala blir rekna om etter ei lineær omrekning, der karakterane frå andre utdanningssystem blir vekta mot norsk karakterskala.

§ 26. Inntak til IB Diploma Programme (IB) – 3IB

(1) Vilkår for inntak til 3IB er at søkeren har bestått 2IB med minimum 20 poeng.

(2) Inntak av søkerar frå andre IB-tilbod («transfer students») blir vurdert individuelt. Karakternivå og fagsamansetning er sentrale moment.

(3) Dersom det er fleire kvalifiserte søkerar enn plassar, konkurrerer søkerane etter poeng frå 2IB. Kvalifiserte søkerar som har fullført 2IB i Vestland fylkeskommune, kjem føre andre søkerar.

§ 27. Søknadsfrist, prosess og flytting

(1) Søknadsfristen er 1. mars, og søkerar må i utgangspunktet då vere folkeregistrert i Vestland.

- (2) Søkarar som flyttar til Vestland etter 1. mars saman med føresette, kan òg søke. Skuleplassen vil ikkje vere sikra før søkeren har dokumentert at hen har flytta til fylket saman med føresette. Dette gjeld både søkerarar busette i andre fylke og i andre land.
- (3) Søknad sendast gjennom VIGO. Søkarar som ikkje kan søke gjennom VIGO, nyttar eige søknadsskjema frå skulen.
- (4) Fylkeskommunen kan gi utfyllande retningslinjer om inntaksprosess og vilkår for inntak.

Kapittel 4. Inntak til vidaregåande opplæring for vaksne

§ 28. Søknadsprosess

Det er ikkje søknadsfrist for inntaket. Søkaren bør likevel registrere søknaden innan 1. mars for tilbod med oppstart i august, og innan 1. november for tilbod med oppstart i januar.

§ 29. Inntaksrekkefølge

Om det er knapt om plassar, følger inntaksrekkefølga forskrift til opplæringslova § 6-49. Innanfor kvar kategori blir søkerarar prioritert etter dato for når søkeren var klar til sluttbehandling.

§ 30. Permisjon

Deltakarar som må seie ifrå seg plassen i løpet av skuleåret, t.d. pga. langvarig sjukdom, svangerskap, militærteneste eller andre sosiale grunnar, kan søke om permisjon. Deltakaren vil kunne få reservert skuleplassen til året etter ved same skule og tilbod. Det blir tatt atterhald om endringar i tilbodsstrukturen.

Kapittel 5. Tilbod om spissa toppidrett

§ 31. Tilbod om spissa toppidrett i samarbeid med Olympiatoppen Vest (OLTV) – prosess

(1) Inntaket blir gjennomført på ordinær måte, ved at søkeren konkurrerer seg inn på utdanningsprogrammet ved ønskt skule. Søkaren må ha den aktuelle skulen som førsteønske. I søkeren om skuleplass må det kome fram at ein søker spissa toppidrett. Søkaren fyller òg ut eige søkerkjema og sender til OLTV innan 1. mars.

(2) OLTV vurderer dei idrettsfaglege prestasjonane til søkerane i samsvar med fylkeskommunale retningslinjer. OLTV gir ei anbefaling om kvalifiserte søkerarar.

(3) Fylkeskommunen avgjer kven som får tilbod om spissa toppidrett, forutsett at søkeren får skuleplass ved skulen.

§ 32. Omprioritering av søker

Søkarar som ikkje får tilbod om spissa toppidrett får moglegheit til å omprioritere søknaden om skuleplass.

Kapittel 6. Formidling

§ 33. *Søknad om formidling til lærepllass*

(1) Fristen for å söke formidling til lærepllass er 1. februar for lærekandidatar og 1. mars for lærlingar, jf. forskrift til opplæringslova § 6A-4.

(2) Søknader frå søkerar med ungdomsrett vil etter søknadsfristen bli behandla manuelt så langt råd er. Søknaden skal grunngivast. I den utstrekning det ikkje er mogleg å behandle søknaden, vil søknaden bli avvist og melding sendt søker.

(3) Søknader frå søkerar utan rett blir ikkje behandla av fylkeskommunen etter søknadsfristen. Sökaren skal ha skriftleg melding om å kontakte aktuelle bedrifter direkte.

§ 34. *Formidling*

(1) Alle søkerar blir formidla til lærebodrifter når søknadsfristen har gått ut. Etter 1. august blir søkerar som ikkje har ungdomsrett og søkerar med ungdomsrett som ikkje er kvalifiserte, tatt ut av formidlingslistene.

(2) For å vere kvalifisert må søkerar oppfylle vilkåra i forskrift til opplæringslova § 6A-1 tredje eller fjerde avsnitt. Søkerar til lærepllass som lærling har normalt faglege føresetnader for inntak til neste trinn når fellesfaga og programfaga på Vg1 og Vg2 er bestått, eller søkeren har karakteren 1 i inntil to fellesfag.

§ 35. *Alternativ slutttopplæring Vg3 i skule*

(1) Søkerar som ikkje har fått lærepllass innan 1. september vil få tilbod om Vg3 i skule. Tilbod om Vg3 i skule blir gitt i eit fag på Vg3 som bygger på det programområdet på Vg2 som søkeren har gjennomført. Sökaren må vere kvalifisert i samsvar med § 34 nr. 2.

(2) Søkerar som har takka nei til tilbod om lærepllass, har ikkje rett til tilbod om alternativ slutttopplæring Vg3 i skule.

§ 36. *Bruk av retten til vidaregåande opplæring*

(1) Lærlingar og lærekandidatar bruker ikkje av retten dersom opplæringa utgjer 1/3 eller mindre av timetalet frå eit utdanningsprogram eller eit programområde, jf. forskrift til opplæringslova § 6-3.

(2) Som hovudregel (2+2-modellen) har ikkje lærlingar og lærekandidatar brukt av retten dersom dei sluttar innan 8 månader etter at lærekontrakt/opplæringskontrakt er inngått.

(3) Ved einsidig heving etter 1/3 av lære-/opplæringsstida gjer fylkeskommunen ei vurdering av bruk av rett i samband med vedtaket om heving.

(4) Ved einigheit om heving etter 1/3 av lære-/opplæringstida, kan lærlingen/lærekandidaten söke om at hen ikkje har brukt av retten. Søknaden må grunngivast og innvilgast ved tungtvegande grunnar.

§ 37. Avviksfag – fag med opplæringsløp der læretida berre inneholder verdiskaping

Søkarar med opplæringsrett til lærepass i lærefag som berre inneholder verdiskaping, og som ikkje får tilbod om lærepass innan 1. september, skal få tilbod om å meldast opp til fagprøve av skulen. Dette gjeld lærefaga automatiseringsfaget, dataelektronikarfaget og anleggsmaskinmekanikarfaget.

Kapittel 7. Felles føresegner

§ 38. Mindre endringar i forskrifa

- (1) Fylkesdirektøren har rett til å gjennomføre mindre endringar i forskrifta.
- (2) Dersom endringane er av ein slik art at dei påverkar elevane sine vilkår for inntak til bestemte tilbod, skal likevel endringane behandlast politisk.

§ 39. Delegering av ansvar

Fylkesdirektøren har mynde til å delegerere ansvar i denne forskrifta.

§ 40. Inkraftsetjing

Forskrifta tar til å gjelde 1. januar 2021. Samtidig blir forskrift 23. mai 2019 nr. 2152 om inntak til vidaregående opplæring og formidling til lærepass i Vestland fylkeskommune oppheva.